

Gvangjsih Minzcuz Dayoz Banvah-yauz Bae Baksak Cazyawj Hagsib

广西民族大学瑶语班赴百色考察学习

1 nyied 1 daengz 3 hauh, Gvangjsih Minzcuz Dayoz Vwnzyozyen 19 boux hagseng Banvahyauz 2015 gaep, youz Vwnzyozyen Cungguk Saujsu Minzcuz Vahgangj Vwnzyoz Hi cujyin Gangh Cunghdwz daiq doih, ndaej daengz iucingj, bae Baksak camgya gaiq daih'it Cungguk Baksak ciet gozci Yauzcuz vwnzva lijyouz. Youq seiz 3 ngoenz cazyawj hagsib, hagseng Banvahyauz camgya le go gagsij Yauzcuz doxdax, Yauzcuz swnghdai diuqfoux doxdax caeuq Gvangjsih Yauzyozvei nienzhoih nem Aen Hoih Yenzdauj Saenamz Yauzcuz Lizsij Vwnzva, doengzseiz bae Baksak Gijyi Geiqniemhguenj ngonzyawj hagsib.

Cungguk Saujsu Minzcuz Vahgangj Vwnzyoz conhyez dwg aen daegsaek conhyez Gvangjsih Minzcuz Dayoz he, youq Vahcuengh giekdaej baihwngz, bi 2015 gyalai le Vahyauz caemhcaiq baez daih'it ciusou hagseng. Gvangjsih Minzcuz Dayoz Vahyauz conhyez dwg seizneix daengx guk dandog aen bwnjgoh conhyez hailaeb Vahyauz gocwngz he, muzdiz dwg gungganq cienmonz vunzcaiz cingdoeng



▲Ngonzyawj geiqniemhguenj.

vah saw Yauzcuz, fugsah gizdieg minzcuz ginghci、gyauyuz caeuq vwnzva daengj hwnjguh. Baez cazyawj hagsib neix hawj gyoengq hagseng aeu saedsaek hengzdoengh gyahaeuj hengzguh hozdung, caenn dang roxyiuj gij yinxdaeuz vwnzva Yauzcuz, gikfat le gyoengq hagseng gij yiedcingz hag ndei conhyez cihsiz, vih doicaenh Vahyauz conhyez hwnjguh、baujhoh caeuq swnjcienz vah Yauzcuz vwnzva dwkroengz giekdaej youqgaenj.

(Lanz Swng/蓝盛 Loz Diyungz/罗帝荣)



▲Hagseng Banvahyauz biuivienj diuqfoux.

Yungzsuij: Doxdax Aenvenz Gvaq Myauznienz

融水:赛芦笙 过苗年



▲Dahsau Myauzcuz cingq diuq fouxavenz.

►Beixnuengx Myauzcuz cingq boq aenvenz doxdax.

1 nyied 10 hauh (Ligaeuq ndwenlab coit) dwg Myauznienz conzduj, Yungzsuij Myauzcuz Swciyen Dungdouz Cin Luzcin Mbanjmyauz banh aenvenz doxdax, gij doih' aenvenz mbanj henzyawj doxdax boq aenvenz, angqhoh bi moq Myauzcuz.

Aenvenz doxdax yiengjhongz dwg dangdieg conzduj vwnzva hozdung, song aen doih' aenvenz it doiq it doxdax, bouxbingz youq diegsang liz 1 goengleix gyae haenx dingq singyaem, caemhcaiq yungh geiz cienz saenqsik hingzaw.

(Lungz Linzci/龙林智)



▲Lwgnyez lingx ndaej buh moq caeuq daehsaw moq.

Lozcwngz: Vwnzmingz Danhvei Gap-doiq Gvansim Lwgnyez Louz Mbanj

罗城:文明单位结对关爱留守娃

1 nyied 6 hauh, Lozcwngz Mulaujcuz Swciyen youq Gyauzsan Siujyoz banh vwnzmingz danhvei "caencingz gapdoiq • gvansim lwgnyez louz mbanj" soengq raeuj hainduj guh hozdung, dungyenz gak gaep vwnzmingz danhvei caeuq lwgnyez louz mbanj gap baenz doiq bangcoengh, gvansim gij hagsib saedceij gyoengq lwgnyez louz mbanj, bangcoengh lwgnyez bohmeb mbouj youq henz ndang haenx gvaq aen seizdoeng raeujrub he.

(Veiz Yuzdai/韦如代 Liu Gvanghfuz/廖光福)

Gaiq Daih'it Lundanz Vwnzva Aenmbanj Guengjsae Youq Minzcuz Cunh Guengjsae Banh

首届广西村落文化论坛在广西民族村举行

Ngoenzgonq, gaiq daih'it lundanz vwnzva aenmbanj Guengjsae youq Minzcuz Cunh Guengjsae banh, daengx gih gak dieg mizgven lingjdauij nem lauxhangz, caeuq ndaw gih rog gih hekyouz camgya le aen vwnzva

hoihhoengh neix, ciuq "swnjcienz caeuq hwngfat vwnzva aenmbanj conzduj" aen cawjdaez neix doengzcae doxyau mbanj geq baujhoh caeuq leihyungh gingniemh, vih Guengjsae mbanj geq hwnjguh

caeuq hwngfat ok geiqmaeuz.

Lundanz hai baenz 2 diemj cung cij sat, gyoengq hekyouz gaenxmaenx gangjavah, ndaej daengz gyoengq boux camgya haihoih gaenxmaenx hoizwngq, baez lundanz neix yaek vih

hong hwnjguh caeuq baujhoh aenmbanj Guengjsae raeuz, daegbied dwg vwnzva swnjcienz caeuq hwngfat fuengmienh ok geiqmaeuz okrengz.

(Liuz Cwngh/刘峰)